

柳待制文集

九

柳待制文集卷之十二

墓誌銘

故宋孫明府碣銘

至元十三年八月

三師渡錢塘下浙東所在繹騷通直郎知臨海縣事
 一明孫君奉其母黃夫人在官以養及冬將代命家
 人御之先歸以避其鋒既受代即辭還次柵墟逢鄉
 人言夫人復往臨海且數日君窘皇追奔及之而大
 兵已薄城下則与一力躬負板輿窮日兼行冀將先
 入未至遇兵母子遂俱蹈難死十二月二十五日也
 一力脫身以其計馳告家明年二月某甲子奉衣冠
 附郵縣環村吳舉先塋之次夫人得年若干而君纔

柳待制文集卷之十二

一

四十耳君以父蔭入官初調潭州司戶參軍轉建昌
 軍紹興府錄事參軍舉貞及格改宣教郎宰臨海稍
 進通直郎三試郡曹一領劇縣錚錚有能聲舉君陞
 陟者葉公夢鼎王公應麟湯公漢翁公合而葉公尤
 深知君謂其少年能自植立奉母尤盡孝養要為有
 所見而云也黃夫人於君嚴而有恩公退莫歸必詰
 其所理之政苟至平允則喜溢顏間一或未然深加
 責譙曰我見尔父決事多當否迺易知耳君之先事
 慮患將以置母於安全母之不舍其子得將相依以
 生是皆骨肉之深愛母子不能自已之至情而亦豈
 料夫摺蠟之起乃常出於智巧之外然則自盡吾孝
 自盡吾誠雖死猶生尚何憊哉君諱璫字壽朋孫氏



系出河朔九世祖全照有功澶州當補牙校以讓其
季而南遊吳越占籍于鄞之甬東廂為鄞人是生宗
顯宗顯生忠忠生周周生義端義端生諤諤生允諤
布衣領壽縣昌國推酷而卒喪在殯權所火起烈焰
次及之允伏柩上呼號哭踊繼之以血戶牖廬落皆
燬獨葺塗筵几儼存一邑震異允於君為曾祖特授
承務致仕承務生枝与其子起予同登嘉定七年進
士第於君為祖以迪功郎監潭州南嶽廟累贈朝議
大夫南嶽二子起予頴質頴質君父仕至朝散大夫
工部侍郎南嶽早從宣猷樓公端憲沈公正猷韋公
游及見徽國文公而證其所受邃學雄文望于一時
嘉定更化嘗詣公車拜疏極言天下大計不見省罷
歸慨然欲用其學所著書曰海上藁藏于家孫氏八
世二百年善植而益滋孝鍾而屢顯積誠累德天實
臨之人實信之然能致祝融回祿之潛燖息燼而不
能使芥蟾鋒蜩之回面革心豈天道無知有時或然
而其可恃者則未昧也君娶莊氏子男一嗣明將仕
郎死亦三十年孫男三元厚元佐元蒙曾孫男十有
一重紀至元五年其歲己卯距君葬六十三年矣貫
游鄞還次餘姚元蒙客授是州道君死事悒悒不勝
哀恫若欲祈貫為辭以泄其湮鬱之思而重於言焉
又明年至正之元貫蒙

恩召還禁林元蒙迺以其狀并錄三世幽堂之誌寓
書拳拳申前請貫悲君之遘難罹凶者如彼而喜其

嗣慶紹聞者如此則為序而銘之銘曰
生孰爵之死孰搏之母子天性孰構虐之母實有子
子實有社幸生遄死駢首膏野維孝維慈有不亡者
尔世二儒蓄盛涵深將騫將翔鍛羽而沉有令子孫
思廣德音不昧維神尚赫其臨

瀏陽州學教授張君繼之墓誌銘

繼之姓張氏諱繼祖字繼之世居婺之金華為金華
人張氏出軒轅之後軒轅氏五子其一為弓正以其
業氏唐有龜齡始居金華後乃去隱東海上龜齡即
志和自稱玄真子灼波釣徒者也至今縣多張氏尚
皆稱龜齡之裔然代遠宗湮莫可考矣曾大父諱宗
義大父諱大能父諱景嚴三世皆隱約田間力田以

四六八

柳待制文集一二

三

自封殖而其家浸裕則始於大父繼之早孤大父知
為令器特愛異之使從學城中而繼之亦克自奮厲
課誦讀晨夜不輟天未曙挾冊映簷光而諷繹之夜
分燈屢酒猶吾伊未絕養其氣以充其所學充其學
以必見於行其志皦如也延祐間郡上其才行得署
饒州黉溪書院山長考第成遂調瀏陽州學教授至
則究心學政復其侵田為之圖其廣狹之形稽其步
畝之實刻石學官以防姦制弊會守貳闕大府檄繼
之攝承郡事時歲荐侵道殫相枕藉方下令勸分賑
飢繼之為設方畧使持券左入受粟右出區畫既定
衆無壅闕竟事帖帖無譁二年以大父喪棄歸視封
寔道遠予告滿百日以例免重紀至元三年再至湖

南還將赴調京師未行而卒五年己卯十月廿三日也繼之沉毅質敏言論忼慷要為發必有合於義少讀史至魯仲連傳見為人排患釋難解紛亂而無取奮然抵几曰士當如是而已其於嗜善疾惡如口之於味無弗得也大德中縣有桀黠吏酗虐於民民皆惟快莫敢觸其鋒者繼之疏其姦狀訴之部使者詞直理順卒寘吏於法而繼之亦無幾微見於顏面繼之之有蘊于中者百未一試而遂死矣使其再轉得百里之地以少展其志其所樹立有足觀哉繼之生至元丁未得壽五十三娶唐氏子男三道慶道生道友孫男三墳填坦孫女一尚幼葬得吉卜于資善里天山之麓將以至正元年十月辛卯寔道生以潛溪宋濂所次狀來泣拜請銘予惜繼之有致用之才而不幸湮鬱弗獲自致於用迺為序而銘之以慰繼之於上中而且以塞道生之哀思焉銘曰
玄真自放于畋于漁以游乎玄樂道著書長山之陽有植其間世德綿綿不論以胥繼之強學發聞於儒耕不逢年豈繫舊畬有子而今尚食其腴載德維辭刻在幽墟

元故將仕郎婺州路義烏縣主簿贈莖中大
夫東平路總管輕車都尉追封清河郡侯張
公墓碑銘 有序

南宮張氏其先蓋安平人金季嘗徙宣德又徙南宮
南宮為真定府所統縣故張氏塋在其縣將相西

北杜村將仕郎婺州路義烏縣主簿府君祔第三
府君卒葬二十五年而其子國維自吏部侍郎出守
濟寧升秩三品贈府君至東平路總管階亞中大夫
勲輕車都尉爵清河郡侯國維服承休寵循念先德
將鑽石揭辭以貽世訓嗣乃使來請文則為序而銘
之序曰府君諱演字某弟知力學長以文法無害推
擇為其府掾宗平大選州縣官屬燕南按察使適以
府君名上初試潭州湘陰縣丞改江西權茶都轉運
使司知事行御史臺察廉舉其績遷山南湖北道提
刑按察司知事在官以病免廉訪使者復狀府君遺
逸上之調瑞州瑞昌縣主簿兼尉秩滿真主建康漂
陽簿漂陽升州移義烏府君時年七十又一國維由

中書東曹掾擢江淞行省左右司都事當以事如溫
州謁告來拜府君捧觴上壽意愉愉如也期以冬還
奉府君就養錢塘未及期而旋笑語益懽曰吾僕亦
久矣是夕疾作因留侍醫藥踰旬而卒即載其柩
與北歸又四年始得視窆卒以大德五年十月廿一
日窆以九年某月某日府君在江西值中更茶法或
謂宜倍賦府君獨言江南新定多取以自利不若薄
征以利人議者多是府君法得不改在瑞昌完葺縣
署興起學舍作大役而力田之農見其楹桶之煖美
而不見徵發之及已比境有疑獄當讞輒移府君就
鞠雖鉤得其情而論法常務平允在漂陽歲部糧
大旱貧民實不能具春葉出俸錢市粟代入其糶

義烏未久民知其善人長者喪行巷哭皆哀蓋府君
外柔和而中健敏居官治家細行必飭方是時同府
舊寮多列顯要府君能一抑首降氣則美爵豐祿可
指取也然養完守固坎壈終身而蓄其贏餘卒受榮
名之報其必於天者何若是信哉府君之父諱德林
贈中順大夫中山府知府上騎都尉追封清河郡伯
母石氏清河郡君府君之配清河郡夫人白氏先卒
子男二國細管領真定打捕民匠總管國維丞中大
夫濟寧路總管兼管內勸農事兼本路諸軍奧魯繼
配苗氏無子卒林氏亦卒子男一國紀孫男八樞棟
朴早卒某某昌寧永寧孫女五國維字輔卿歷十
官嘗以德安屯田總管出議鹽法山東其所因革定

著為令材問蔚然為時知名人故卹典行得褒贈府
君自朝散大夫冀州尹上騎都尉清河郡伯以載膺
令秩蓋古之人祿不逮養則無以及乎親而迺茲克
自樹立尚儆沛渥以有爵級勸忠興孝之道抑良
顯矣繫之銘銘曰

君子觀時用謙治盈惟卒舒舒不潰尔成繫彼深坎
既抵既平疏為濤瀾亦順無傾昔公仕初豈有過計
必即其優必要其至矧是沒身間闕二紀乃承
寵章乃顯奕世本於天者有抑斯崇氣至誠存豈
徐通不錮其微不併其老穠之藜之穫之屢豐
匪多公子令善世猷以升惟克允踐
大帝畀矜侯圭侯冕賁于泉幽碩碩憲憲公

墓則有儀桓碑六尺載跋以龜爰刺斯銘釁塗用犧
來皆來瞻孫曾且宜

塔銘

萬壽長老佛心寶印大禪師生塔碑銘并序
餅心寶印六禪師正席萬壽十有七年諸緣既稔百
廢具循言隨道流緇素歸仰其大弟子等因入室次
合掌稽首而白師曰身如虛空緣有患生剎那應劫
形蛻神留昔吾佛祖觀法達變雖存不存示作標指
是空地波何間生滅以幻待幻有非幻者我諸比丘
將為大師鑿深攻堅豫卜藏域辟則聚沙即以成佛
豈不百年非見實見於是禪師植拂微笑為作證明
塔成其崇三十尺而趾之廣三分綯二在高梁河西

柳行制文集十二 七

漆園昔金天會中萬壽初祖青州辯和尚提洞山宗
旨鳴道發源閱代三十有八而禪師寶篋其緒以大
其承禪師名思慈字訥翁建寧浦城黃氏子家世文
儒學甫究轉徙齊魯遂依東平鞍山新公年十九新
為祝髮授具出見東峰滿靈巖順昏噴噴器許瓶笠
遊京首參林泉倫公復從東川讓公拈機英朗川信
以衣頌命開堂勘驗學者出世夾山遷盤山又遷中
山軋明退隱萬壽會萬壽席虛眾請補處三遜而後
即事凡脩嚴祖德會同二塔築丈室東軒作聖壽下
七院新邸舍復侵田種種勝日皆以慈忍力而得成
就名德彰升

仁宗皇帝詔錫銀章領曹洞宗諸方衲子來學

師以萬壽為法與青州為不死嗣音有人信我天童
靈岫公在江之南景歸洞山星鳳將示化遺戒其
走奉書疏走半萬里起禪師脩丹霞宏智故事禪師
曰吾住山三十年如孤舟抵岸倚著自在何能以身
而更徇物即拈香為岫說法謝遣來意然則是諸比
丘累塔信道而期之永壽者不猶賸乎解梁柳葵時
官頌臺輶所聞睹爰作序偈曰

塔在世間吹累一塵載地不靡學山與鄰陶甃琢石
有衷有因成之自我尔以為神若何所見分別同異
謂是法身無生滅義生知涅槃滅見舍利人塔強名
等無二器衆諦之來顛測其中以鏡取照影實形空
我訊萬壽非廓而通我瞻靈峰非積而充是浮圖身

柳符制文集十二

八

璠寶印愜本無所藏由智顛集但見勝光從一豪入
如琉璃樹如黍珠粒自性圓明著處現前一爪髮膚
毛孔萬千對此瓦石說法熾然我尔重來後五百年
墓表

元贈承事郎婺州路浦江縣尹金府君所表
府君姓金氏自其上世占民數婺州浦江縣至府君
尤愿慤有称于鄉盖晚而見其子德潤仕學有端緒
遂以考終迺祐三年去其葬八年德潤寔來京師具
凡世業行治可文翰林學士丞百廣平程公亦既植
碣隧上又七年為至治三年

今天子始正大寶下詔改元嘉惠旨工寵及其先
定褒卹之制自一品而下正從品各七階官勲實次

美於德潤以承事郎為常州路宜興州判官品在
第七得贈封父母妻明年五月命下即用所得官贈府君承事郎婺州路浦江縣尹
其配吳氏追封宜人德潤拜受感泣尋以書告京師
乞辭於其鄉之女柳贊曰惟吾父流慶啓祉以施及
於德潤故德潤自著仕籍四遷而忝今秩遭逢
聖代廣孝崇仁遂徼

渥澤被飾泉壤實惟踈迹小目之至榮然累善成德
不耀于躬而卒延昭于我後人者抑有自来德潤將
謁告大府歸奉

命書哭奠墓次若假茲室石劖識厥美以示子孫則
於法為宜敢藉是有請贊方執筆隸奉常以誅行銘

四

柳行制文集卷之二

九

功為職而君又以義請而可以讓昔吾鄉先生陳文
毅公有言浦江在婺為山邑非賓客商賈之所雜
民生其間往往樸茂質實力農務本恥於華言偽行
而長吏至則相與安樂之雖古書傳所載禮義之俗
不過如此蓋自以為他邑所未見以贊勇所逮聞則
若府君之輩流儕伍幾足以當之而今四十年中日
遷月革寢與向異力農務本之習亦少衰矣觀府君
克篤於其身而有俟於其子孫則樸茂質實之遺其
報施以近豈不卓然可徵哉然則為之後者無愧於
其先則無愧於其鄉所以承藉
國家之休寵以自託賴其來襲者庶其在是府君有
三男子其中子則德潤也吏部方錄其平獄之効將

叙勞進秩駸駸用於時金氏忠孝之澤其益滋乎泰
定元年歲在甲子秋七月初吉徵事郎太常博士柳
贊撰

代張公作官原墓表

先君棄諸孤時某蓋始仕祿不逮養也於是太夫人
方未衰某迎侍官漢鄂遂來京師忽念歸曰吾廩人
事下後出已既數年即世即先君卒十有九年後六
年為至大二年始忍死啓先君之殯合葬于官原地
次其明年某登

朝叅議樞密院入中書為左司郎中屬
武宗皇帝推恩內外詔凡臣工咸得追寵其先遂贈
先君中順大夫上騎都尉封清河郡伯太夫人清河

郡君亡幾某自免歸奉

初奉制文卷二

誥哭奠墓下且將脩治先廬冀朝夕護眎松柏重伸
霜露之思而兩浙轉運使命下復隨傳去又六年
今天子大廣孝治申定褒典自一品而下正從品各
七階官勲爵次差某適以非才備數叅議中書省事
秩視三品得贈封二代於是先祖贈中順大夫禮部
侍郎上騎都尉封河內郡伯祖妣劉夫人河內郡君
先君贈亞中大夫祕書太監輕車都尉封河內郡侯
先妣河內郡夫人又明年某由叅知政事除工部尚
書數月遷宣政副使品在第二有司加贈封如制乃
進先祖嘉議大夫禮部尚書上輕車都尉河內郡侯
祖妣河內郡夫人先君中奉大夫中書叅知政事護

軍河內郡公先妣封如故某材智淺下弗克肖似每
惟先君訓言在耳敬已勤

上夙夜躬躬自出入班著餘三十年致茲忝竊塵
列侍從有祿有位是皆祖考積善成仁不享其隆以
施及於某遂得遭值

聖明澤露幽壤重封紫爵褒榮光大實維

國家寵綏臣子之至恩然稽厥世美則所以委社乘
貺于我後人者抑有自矣先君履行卒葬之詳有隧
道之碑此不著著其顯受

命數於

兩朝而可以茫賴來稟者如右延祐五年歲在戊午
三月十五日丙子男中奉大夫宣政副使某表

柳林制文集卷十一 十一

武德將軍劉公墓表

武德將軍益都淄萊萬戶府管軍千戶劉公既歿
之幾年其孫源龍爵鎮守龍興將北歸其鄉樹碑公
墓著其功伐表示來世翰林直學士李君伯瞻為之
請辭於余蓋千戶初起民伍署為軍校在滕國武懿
公麾下歸為材勇善騎射每攻城掠地常先登陷陣
最其功籍至錫金符長千夫固宜錄之忠武將佐之
略美學士武懿孫也余嘗撰次武懿功行文之建昌
新廟之碑知其善戰善陣而能克成厥勳者抑豈無
資於爪牙之助哉謹按千戶諱用世家遼東自其父
諱福始以

親王移相哥管驅戶官素居淄川故今為淄川人福

既老千戶遂承其職至元六年以丁戶隸軍簿郡檄
權署千戶九年武愍受

詔南攻襄樊千戶實以其軍從三月破土城先登以
功受賞十年正月破樊城又有功第其次上之迺真
受

宣命以千戶領元管軍十二月破武磯堡據其木柵
四重決濠水灌城中即以其所樹雲梯登陴殺獲甚
衆會行省官分道進兵千戶復從戰丁家洲殲其軍
棄其戰艦功狀上十二年命下進爵武略將軍十五
年九月還從武愍南征次廣州敗王侍郎軍闕部口
又敗凌制置軍海珠寺下十六年正月與宋兵接戰
崖山千戶手獲其都統制祝永昌副將孟德又得陷

四三

柳待制文集十二

十一

陣軍人韓松以歸而宋之遺燼湮滅無餘矣凱旋第
功即加武德將軍錫佩金符鎮守龐興千戶二子長
世息有膂力能挽強命中自武愍南攻常挾弓矢以
從崖山之戰武愍出奇計作射棚度與南舡相當選
善射者七八人命之射而世息與焉絃不虛發自卯
至午陸秀夫遂抱宋衛王赴海死初以行省知印權
署銀牌搃把命未下旋得耳疾以其弟世英嚴父職
屢以功進爵在軍餘二十年慨然曰昔吾父吾兄少
長行間間關百戰出萬死中賴

國威靈變

主師成笑以獲斯寵今吾兄之子已能荷戈帶甲宜
從世嫡之例還其祿秩吾退居田里私心安焉故源

得殘生一軍九年不... 謂是承... 黃米店... 興王之運而... 有為之輔翼... 所司... 無... 夫言之金石以... 公升降... 已夏四月丙午... 誤

太康王氏扶城墓表

平五八 柳行制文其十二 十三

異時蔡金訖錄... 艾滅豈間良... 一策全百十... 報有加無已... 文助相資遭... 而不心睽隔... 願何能私寄... 縣有小扶城... 封樹... 壬辰汴京已... 氏... 諸義曰... 獨先... 里黨之賴以... 容數百... 歸者志納

寘其中又時出營取糗糧以餽餉之他日六兄竊歸其舍道遇哨兵為所掠致府君奮百死以計拔之而兵亦卒不能害亂既定凡府君之家与依之以生者完輯如初而此近井落至百里無人聲府君七兄弟居同室食同場同生同死自少至老莫名一異由府君之順成之也中統始元南京諸路都總管府檄署府君太康縣尹府君為時賦調以供軍勗耕殖以重本縣以理聞無幾棄去退然邑里間人人知為謙謹長者中斥已田給宗姍畀之券不為毫釐吝惜至元十一年春秋七十又八卒家即葬先墓之次其配李氏少為令婦老為賢母後府君三十六年而卒年八十六至治二年第三子元亮升

朝以恩贈府君從仕郎追封李氏宜人泰定二年元亮進奉訓大夫江西等處行中書省檢校官品在第五加贈府君階奉訓大夫官汴梁路鄭州知州勲飛騎尉爵太康縣男李氏加封太康縣君於是去府君卒葬餘五十年而天恩便蕃寵及門祚生有祿食歿有号祭向之阡聯吟接者或泯泯無繼或塵塵未隳獨王氏之宗前承後引聲光日起支庶日滋謂樹德不由乎人吾不信也然則府君之全活屬黨於殞殞一存之初亦顧吾分義之可為而為之耳初何嘗有計較封培之心焉觀其所致送其所施嗚呼果哉府君三男子長成行司農司宣使早世次中殤又次檢校君也二女皆嫁里中人宣使子男三女二孫男女

各四檢校子男三女四孫男二檢校字長卿以明法
選吏臺部由中書左曹掾為斷事官經歷光祿寺主
事嘗鉤校微理麩材欠緡為鈔三千定而畸語聞有
旨登之賞典時論推其清幹方積年勞馴致顯融余
見府君之累爵重封未艾也泰定四十余以文學繫
官江右長卿不鄙而与之遊具論其世如此請余辭
表諸墓上余又聞長卿言家有金源補官誥知其上
世嘗封上護國而亡其諱誥雖不完至今存焉則王
氏之啓慶其源固有自來迺為考次行業使歸刺冢
石以俟且以厲時人其有發哉明年泰定五年歲次
戊辰春二月日在丁酉文林郎江西等處儒學提舉
柳贊謨

四五六

柳待制文集卷二

十五

雙峯先生墓表

雙峯先生卒於至元丙子而葬於大德丁酉死骨既
朽宰木加圍距今將三紀孤崇善亦且老矣迺始勤
勤不其外端項炯可立請予曰昔吾翁學得於已而
信於人人謂其必將有以自見就令不大潤澤於時
顧豈不能取世一科一級如射者之必至於彀而巧
与力遠垂得復失晚遭改物以幽鬱死尚幸家書一
二僅存餘澤未盡殄滅惟是隧間之石未有刻辭敢
以狀私于執事使崇善它日有以下見吾翁而吾翁
託不朽烏是在執事而已予忝可立久敬之交而皆
業於文不鄙見諉其何敢不諾然而聲迹不相關也
輩行不相接也徒將考言誦行則有馬氏之狀在焉

氏名良先生之女而參政眉山楊公之客也詎其
我哉按先生車氏之諱若綰字經臣後更名塚而字
既行矣學者尊之配其德稱雙峯先生車氏籍
之黃巖謳韶里斷自永嘉徙來計其時固唐末一李
之交也曾祖諱瑾隱馬家山有至行名載郡乘和諱
似度父諱景山皆老於儒先生少警敏而學又早成
年十六与其父偕以名上春官不中第慨然曰吾家
數世湮鬱不遇我豈能終与造物競哉然聞皇帝王
伯之略道德性命之奧由學以致願吾力有未至耳
乃与從父兄諱若水字清臣合志而共講焉久之覺
胸中浩浩發而為言闕放無涯涘於是車氏之學擅
雄於州里間王華父守台新上蔡書院城東東湖上
首以賓禮致之雖政事微有關失亦藉以弥縫調齊
凡皆以學故也咸淳末公特恩授官得迪功郎調建
寧府浦城縣尉郡守趙公景緯薦其學行而丞相王
公燦亦雅知先生有史才將延入史館奏方上而國
事去矣丙子間兵棘州興盜鋒孔熾先生蹙蹙不能
容去之曾祖隱處馬家山隱焉遂以其年十一月癸
卯卒馬家山得壽五十五子男五濬老瑛老天渾孫
為從父兄後与先生同學而成者也次崇善瑛老配
賀氏臨海大姓女先生卒時崇善瑛老尚幼賀夫人
攜之三徙遂依外氏以再造其家進二子於學有母
道焉卒至元癸巳八月庚戌年六十一合葬故所
里鳳凰山之原十月甲辰葬之日也孫男七伯湛

果公與伯殷伯禮伯成延年孫女五皆嫁為士人妻
曾孫男七女二當先生自力於學時里中仕者雲起
門戶烜赫過者不敢則睨未五十年已聲銷景絕丘
墓所在夷為畦遂而先生之世卒然秉禮方以昭德
炳幽為事則天之定勝久矣初先生之季父韶溪先
生諱安行早登潛室陳氏之門陳氏為紫陽文公高
第弟子其稜變最有原本清臣既委己就學得其宗
要而先生又繼起從之凡天人之精蘊義理之淵微
毫研縷究節蕝窳露知之而必可言言之而必可行
若天地陰陽日月星辰之運行春秋疆理禮樂刑政
之分合孔門諸弟河汾關洛之緒傳荀揚佛老縱橫
捭闔之機籥會稗衆說歸於至當則有性理要指訂

覈禮經分刊制度謂喪服之親疏隆殺深衣之續袷
鈎邊雖家禮之證定註疏之引援亦庸有所未盡用
廣頭在下之說以改正深衣辨內外正降之義以圖
列服制其學蓋深於禮矣清臣世謂玉峯先生所著
書若宇宙略紀別自傳學者而先生之書或在或亡
則召人類能言之而世未有深知之者系曰學以善
己而行非其覲也言則成文要以知其類也屈信者
時是尚論其世也鉅深藏密繫後人之利也

金谿羽人查廣居墓表

查君臨川人姓查氏諱居廣字廣居少入金谿望仙
觀受度為道士復去之上饒龍希山中從廬阜黃尊
師不執學為詩尊師愛其類已授之穀率裁以尺度

君更感激自奮嘗東游至鄞海上還渡浙憩岳林山
久之得楊推官仲弘詩七言今體服其雄浩又得范
太史德機詩五言古今體服其清峻皆手抄口誦
心領神解期与之俱化泰定丙寅余以提舉學事涖
豫章君將游宦廬過之與極論詩道而余銳欲翼君
以進會時暑不果往因橐其詩西之清江百文山求
太史之廬而卒業焉太史亦欣然定其可傳者五十
餘篇序為學詩初藁以張君之志明年君即館豫章
還往益熟論議益切又明年余受代去君搥悒不勝
情余曰君方外人豈不能復入東謀一再會乎君強
笑頷之初與君同為詩者危素太朴後與君上下頡
頏者王漸玄翰揭車子舟余家善是四人以為江右

後來之秀而素乃以書言君死矣余為之西向哭哭
已則曰天果不欲昌吾詩乎胡為使君之駕將聘而
遂躐乎又胡為不葆君之玉未磷而已歟乎余壹莫
知其故也君早孤質厚而近迂所交多畸人靜士雅
嗜佳山水杖屨所歷攬結奇秀資之賦詠無遯思焉
使幸至中壽則不懈而及於古獨詩乎哉君以天曆
己巳秋得疾卧鐵柱延真宮其冬十二月道友鄧居
明與其徒葛世蕃迎歸仁壽觀卒其月庚戌年四十
六明年正月戊午為窆葬犀原臨川處士孫君履常
奎章閣郎官搢君曷碩武夷徵士杜君原父尤知君
君之藜素既銘而納諸幽矣又欲余言表墓以賁君
於地下素之善君有始終哉是年至順改歲歲

千秋九月既望東陽柳貫述

博誌

亡妻墓誌

貫之妻盛氏諱淵發之蘭溪人生十有九年而歸貫
得年六十一終于寢以重紀至元三年丁丑歲冬十
二月甲申葬于梅塢子男三自同自孫男三柅顯穆
聖天始母為國子博士恩封宜人再以貫出提舉江
西茶馬儒學加封浦江江縣君生宋咸淳庚午八月一
日歿至順辛未十一月九日訖成先窆俟吾他日同
窆太常博士柳貫誌于玄輓約諸其幽

塲孫墓博誌

中塲童子柳柅生庚申死壬申年十有三男育於東

柳待制文集卷之十一

十九

陽外氏家七歲從宦豫章十歲出從小學師十歲歸
山中誦書寫字不對而動性燥脩知自立於禮志如
成人至順二年辛未冬十一月祖母浦江縣君盛氏
卒童子亦病明年春浸劇屢數醫不能已其夏五月
丁丑天又明日己卯蒸之桐柏橋東大父太常博士
貫重哀童子無致天之理而不克年乃灑涕濡朱
童子卒葬月日于玄博約之壙中

柳待制文集卷之十二

古書流通處

柳待制文集卷之十三

銘

豫章樓銘有序

江西等處行中書省治龍興而龍興古揚域豫章其郡名也迺泰定四年秋八月甲子重作南樓子城上實備雉門之制題其榜曰豫章以為治格章明則民胥悅豫有以靈承

上恩名從其舊具新義焉日既南至大合讌張樂以落之相臣臨席賓寮列俎酒酣歡洽咸謂新茲傑觀增壯南服宜有銘詩昭示永久則以其辭命贊贊不敢讓為之銘曰

維星有野維地有區九土三條辨方制隅揚域入斗

四

柳待制文集卷之十三

一

亦高所敷春秋戰國捲裂紛如中江而西爰闢邑郭畫茲豫章受楚引吳漢回秦郡建侯以居提封所既海滢嶺阻洪始名州廢郡之餘雖則不彊百雉維都觀察節度幢纛麾符作鎮開藩列城受呼守牧之良若史有警宗制遵唐謀帥選儒迨一府豨孝義則踈以年而命稽實本虛

神元應天統御方輿既定南紀於安里閭時哉裕宗正位皇儲錫是分地襟江帶湖

世祖有詔雷行電舒曰惟龍興由夫澤菹其潛其躍乾道與俱異指同音草之迺孚遂簡宰且建行中書以張國威以宣廟謨亦訓亦齊無劉無孛課則民庸賦則兵車謹脩侯度職貢方輸富而教之俗恬以諭



其北柴桑其南番禺萬里行涉不煩戎徒凡四星終
若闕朝晡治理之成一軌無渝肆令省署堂昔雌塗
府舍潭潭孰啓新模據勢雄尊象乎紫樞兩觀之間
有列蜀翬疏為脩闕達及交衢扇爐揚埃忽不須吏
宰且曰嘻責其在余余有兵民念瞻所於辟諸服衷
袂則有裾函書驛聞報發官帑大寮部役令丞具需
陶埴斬材工來于于層構勃興鷓鴣騫蜃嘘翼翼闌楯
隆隆棟桴其崇五仞其廣百層上宜綴旆下可建旂
雲宿藻井霞飄綺櫺西山晴翠時落堦除如憑廣莫
如挹方諸湖深右汎江瀾左紆千帆輻集萬屋鱗鋪
警夜嚴昕有鼓鐔鉞有節干楨有柶漏壺坐息徒倚
有亭有廬亦有遊氛不攘而祛宰且來登稅駕踟躕

曰今高朗維昔隘洿匪增匪埤匪剔匪剗度不在奢
名不在誣即榜豫章在志古初豈惟志古示民不迂
尔卜牲饗尔謀燕胥我有嘉賓尔肅以趨上公維宰
玄衮繡襦色笑娛賓其虛其徐殺哉既升醪漿載輿
吳絲蜀桐趙玉燕姝碣極之戲角觝之夫次舉交陳
卒徹虞虞講禮有容流風四徂以我豆籩易彼折爰
聖人設險有不可踰域山界谿猶迹之麓治在郡縣
謂若蒲盧古然今否問牧棄芻宰且維垣志範其驅
大閑克心小體自紆繫此江粵夥民曠墟八夫四耦
三歲一畬畝有遺秉野無逋租繇宰且賢仁涵義編
麟遊鳳鳴可坐以頌載瞻臺隍飛閣渠渠臨茲治城
如承盥盂由穎陰侯爰始鍤棘應數千年考筮應

洪惟寶命天降神扶赤赤宗支一本而考前星次爲麗于南孤熒光所被川媚壤腴封建之福在德不孤宰臣作樓非以聚醜固國藩墉有隆無汙民之戴之豈樂以訐陋儒屬辭實繁且蕪請命剡工託諸砥硤

拱北樓銘有序

杭爲江浙行省治所門雉之制宜壯且麗蓋吳山橫截治城中如龍鸞翔集不崩不蹇鶩即東垂築爲門關而交衢達于其下此歲大德己亥始因宋朝天門遺址闢隘坪高冠以飛樓爲其楹戶之北向也扁名拱北示尊

君親上之誠焉閱三十一年天曆己巳十月樓燬省具聞中書以爲樓直省東南兵民踣令胥此焉出

四

御律制文集一三

三

宜先百役新茲崇構以竦視瞻不踰時報可迺以圖畀府使揆材充工梁棟惟良畚築惟堅樓成而旣拱騫飛望塗昭煥加於舊矣起至順庚午七月明年九月訖工凡役工一萬六千六百八十六縻鈔以鉅計一千七百九十有七米以石計二百九十其崇

尺縱廣

尺視其役者杭府達魯蒼赤

答里馬思的泚其成者行省平章政事易擇董阿公而左右司都事鄧巨川實佐經畫又三年爲歲癸酉始確石請文用著成績文曰

皇有九有洽于大同基命定命憲天惟聰保邦制治建侯樹公提封四海其旅牲牲堯舜博濟猶病乎仁并牧不疆維以範民瞻茲越吳寔古南耶闡省命相

江閩併屬界之嶺海繚以溪谷粟米麻絲鹽鹽茶芥
服器之貢充初航輦歲實王府有式有典東南大藩
曰唯錢唐前臨潮波四周臺隍吳山中巨壑奮翼張
有截崔嵬有崇闈閣兩觀之間有閣渠渠闌檻北嚮
實拱皇都迺歲己巳守者弗恪融風晝揚焚巢燬作
曾是宮苑化為冥漠宰臣曰吁天工予代是心魏闕
無乎不在一樓之興民所瞻對予圖厥新維時是曰
迺度土功迺教官繕相彼基構益之廣輪其材楮杉
其飾髹丹雕櫺繡栊霧拱雲欒舳舻騰拏如濤涌山
望氣占氛亦承亦序壺氏縣壺鼓人擊鼓以警昕昏
以戒廬旅商出于塗賈蔽于市夷有奉琛使有結軌
塵海憧憧覲是瓌詭來游來登稅于高層風清瓊宇

星貫玉繩江湖兩漚日升月恒昔在李唐武勝名軍
揚益次枕章章有聞錢氏建國百年四君宗初籍土
爰擇牧守涵育既優民訖于富貨資化居工尚文鏤
燕遊以時惟豐故豫築臺構亭剡巖治圃騷人墨客
興言能賦豈若斯樓雄據高明不專序賓不主觀兵
引首北顧咫尺神京裊京巖巖民環拱之如轂斯運
我約其軹如網斯張我挈其維庶民惟星師尹惟日
其分雖殊其誠克一左陟右降如承宥密斗牛之墟
方半萬里太微分光周是四履宅揆良哉民胥樂只
上公惟宰宰士惟僚寤寐先憂罔不夙宵金穰歲兆
玉燭時調諸侯之門曰應曰臯有擯畫戟有建駢旌
威行令施無淫無愆星河在上民物在下樓觀巍巍

有截中夏侯庶克脩純錫天嘏嘏吾敢私為
天子壽化自此南實饗實右勃辭山石敬拜稽首

養心堂銘有序

大興君耶律公作堂于信都私第比參政江湖行省
日翰林學士百趙公為大書養心堂揭之楹間
朝夕觀有擴而無懈怠所養所存顧何嘗不在
於斯哉贊為之銘曰

肖形兩間莫直匪人圓方載以二心之大
理勝故純尔氣之積志壹故神承之葆社識廢初
勿汙以極勿淪以汚勿舍其車其趾而勿腊其毒
噬肉及膚曾是幾微一動一靜有順無曰此成性
函之在中則莫吾病惟敬則存惟怠則敬怠之分

和善制子卷十三

五

間不容黍乃相先民示尔繩矩維克廓大其宇
不雕以完心焉童叟以之應物泊無罪將以之制流光
友于真常繫信都公含和蓄剛其發不抑德人
其光既流內美益克謂美伊何養心於中亦受美
弗耀而躬顧瞻堂楣名昭義豐我歲其訓正
反心為非得正為是終日射侯維斯視君子求仁
侯鵠實似神聖策字之与正對日所擊者道無不在
身心經論昭晰勿昧我銘公堂以諭諸內

蒼網石銘有序

遊行照磨官林君升大畜奇石脩勁秀特植置官署
庭下姪貞肖剛石猶令子過山陰見而愛之乃為
石龔躡作蒼劍石銘

誰為與雲吐霧誰為底柱截波東
骨節撐柱有植之脩非篋非鈔不銖而
如英瓊瑤如玉福具既庭既直亦峻亦武字之蒼劍
以配寶璐使鎮郊迤百神尔主明德唯馨式敷是与
辭

陳貞命字祝辭

子友陳君子仁之子貞冠而筮賓字曰履元亦既
於名矣夫元即善也履之而行仁智兼用成
之功不其至哉貞來問義乃辭而祝之其
軋有四德天而行自元以始歸復於貞上戴下履
亦順而承陰陽之際闔闢降升剛柔相交出入相乘
不括夫氣不固夫形方其既翕已張其絃及其遂舒

愈韜其英春必有夏久必有徵使冬不春沍陰以
變而適正化道乃成體天者粵惟心享仁首四端
与生俱生生以顯仁智以藏精粹焉括耕蟬彼春榮
不斂其實昌望其萌不扼其冲曷就其盈體驗擴充
一本於誠悅親信友已分既明推之事物豈有餘
陳生甫冠進學烝烝芳名冠字字則依名貞字履元
維以訓程新新不已善元并植本既固履善無傾
去爾芳志爾毋矯整爾幼儀毋近刑允茲學功
聖猷是經豈蜩蟬啾啾自鳴其以予言質諸禮庭
鄭泳冠字祝辭

吾里義門鄭氏之老順卿者吾友也筮得程日始用
三加之禮刑其誇孫而責之以成之道焉下都

戒賓過采襄陋夫既與聞酌醴字實予責子惟泳以
潛行為義潛行乎大川而涉其津涯有從容暇豫之
意無造次急遽之容古人每以道道譬之有自來矣
而順卿又方敦泳以學于聞諸易範潛之為用不既
大哉乃為製其字曰仲潛復申其義為辭祝之既以
承順卿閑家之美而又以觀泳之績于其成者固在
乎此辭曰

古人重冠維以責成其成謂何反身而誠忠君信友
事親從凡由乎仁義至於踐形三加有禮禮不虛行
筮賓命字為敬其名尔生鄭泳早嘗受經未離幼志
已及弱齡設筵并首古訓是程吾觀於水析義甚精
水圓以折流而不盈自夫將坎達于四溟瀚而為潔

柳待制文集十二

七

潛而為榮刺舟任載僅若浮嬰負羽不勝由弱故傾
柔而能剛孰与水爭知其性者不將不迎潛泳其間
維順之承過涉必滅後恒匪貞譬如學功蓄能致亨
自彊不息宵寐夙興雖泳于澹實游于明弗心之潛
則冥于升咨尔生泳學維絜然辰哉不競逝波日驚
晦用遵養魄將載營潛之昭之秦道之征徵諸易範
本之性情字尔仲潛戒尔矯枉非伏於潛欲抵其平
滄浪之歌有濯斯纓尔慎持之如承佩珩尔世孝義
視尔門旌柔稷維微神歆德設香由微至著有聞無
棄尔狹隲揚尔翹英式祗訓以無忝所生

贊

姚文公畫象贊

祐治之間

三宗繼體公如景星光于五
藻火人文咸韶

帝制

廟社巍巍風清日麗

上方倚公公則歸矣被髮騎
鱗視世糠秕陟降洋洋
繫公不死有肅容儀瞻者敬心

王朴能叅政畫像贊

身廊廟而心山林學孔顏而志皋益生色維仁義之
形充體皆盛大之積此所以為命世之寶龜陳序之
弘璧也

王繼學畫像贊

粹然冰玉之英展也星鳳之瑞用則盛之鸞臺鳳閣
不用則置之朱崖儋耳老知慮於多艱觀夷險於一
致固將挾玉局之飛仙以游夫鴻濛溟滓之際所謂
瑯琊之宗魯公之子而盛德之世者也

韓明善畫象贊

融液粹和淳涵清淵繫道而道日以光藝仁而仁至
於熟乃所謂畫錦之旂常有衍宗支蓬萊之雲氣舒
為篇目宜其表盛德之流滋集斯文之胡福我觀之
人式如金玉

自贊畫像

好學而莫或致之望道而未之見也壯而漫仕初
與乎尊榮老而歸休亦為往而不得乎貧賤也

合卒歲之優游服終身之靜儉則拄笏而看山飲水而著書尚庶幾可以傲兀夫無窮之世變也

思學齋歲有序

清河張生受經于高陽先生得其端緒而能益致思勉之功可謂善學者矣予以思學名其講肄之齋而歲以發之其辭曰

心外無學學原於思思而有得乃驗於為仁陽義陰理公已私克復注來敬義夾持權之有要心實制之克舜與人同此秉彝勿謂凡民雖聖可希而況學者執復有機是故君子學如恐遺方其未思戒尔外馳如止水源不波不隨及其既思毋惑多岐必端其趨

柳符制文集卷之二

九

必底于夷若執權量以計豪釐若引圭臬以奠方維克審夫是勿置尔疑思學之功本末相資學而不思如御舍綏思而不學如行無齋明善擇善真致其知進德備業行見於施下學上達在尔孳孳思誠而誠夫何遠而悅親信友讀書誦詩涵養擴克罔或弗祖縑以藉玉綱以嚴衣緝是內美暢於四支維敬之與維德之儀彼暴棄者志遁神離以其邪思果於自欺弗踐其形禽獸紳綏五三載籍典訓具貽後儒翼傳秘忽無遺精義妙道日耀月輝思之而至主善為師吾黨張氏嗜善如飴學于高陽涉其津涯亦既勤止牧之愈卑日引月長晝思夕惟爰闢齋居以燕以頤傍曰思學名言在茲若工有歲予為之辭學思自彊

庶幾緝熙

傳

劉節婦傳

劉節婦徐小字柔嘉婺蘭澤人家為大姓世有顯者
節婦生二十七年歸同郡金華劉似之侶之六世從
祖諱渭宋嘉定庚辰對策集英殿賜進士第一在州
里尤為望家節婦歸閨再期孕而未育侶之邁疾死
及產男也節婦泣誓曰幸甚劉氏之宗弗墜已吾有
二心何以見君地下言訖復嗷咽於是劉氏家益落
節婦惡笄䟽服常如初喪而所以承祭祀備饋饗與
出賦租以保門戶者悉身自任之不使有違節愆度
字其子潛自始學至于成人為之聘甥女而女為生
二子一女而潛得年二十六亦竟卒姑婦相向哭期
以死守全劉氏家雙杼寒梭一燈夜績卧起相依攻
苦弥厲然取其紡織之贏以供鹽鹽亦常若有裕久
之潛所遺二子滋蕤蕤有立而女已有從姑能以節
義自持易奢為儉而婦又以順正率禮成教劉氏之
稱為望家者茲可以自靖於其先矣節婦今年七十
一歲居且四十三年而婦寡亦十又七年予與節婦
居異縣不相聞有友葉君謹翁故與侶之交而潛及
其二子珮珮又嘗從之問學知節婦凡行尤稔數數
為予言之蓋慕世有柱復之典而人無自鬻之心若
節婦之遭變罹憂鞠窮艱苦斯已甚矣不惟飭諸其
躬而已信又能使一禾弱婦毅然相從於茹荼食糗

之中比之再造其家功豈少哉嗟乎節婦之名人同不榮得之而世固偏予之者閔之深而美之至也今予所稱劉節婦行未采於風人名未登於榮牘予獨予之以是名而不疑者稽之里黨之論而斷以史氏之法壹是人心天理之公而何私之有然則世鑒雖或不明而人心之昭灼情而未昧彼詫節稅之麗而侈開閔之崇以為節婦之得傳顯藉是亦惑之甚矣予竊卑之作劉節婦傳

傳節婦傳

節婦陳東陽縣路西里宗鄉貢進士師道女適同縣泉村傅賀生一女而賀亡節婦時年二十四賀世儒家素貧節婦居喪及禮晝夜自力於紡績字其女至

成人而養其姑甚謹已雖簞食弗給而甘旨柔糲之養必使常過於厚又三年而姑亡治棺具斂無違禮衰瘁毀瘠人或弗能堪內外媼憐其無子而貧咸勸之改適節婦以死矢于眾曰吾寧餓死無寧幸生乃益劬躬殫志節衣縮口而果允稟續穀菽之贏則別為之儲峙五年始克卒其舅姑与賀之喪域而空之哭告于廟以其從子似嗣教之孝而尤不廢於耕會高陽許先生栖隱八華山中去傳氏不十里節婦雅敬先生遺以束書從之孝侶既聞其講說而知夫義理之宗緒遂能承節婦之志以終植其家節婦今年六十有一而侶既有子矣賀之得祀与傳氏之宗藉以不墜節婦力也里之耆老方上節婦之志行于縣

于大齊前從

近制加之旌復雖未報下而節婦之心亦少伸矣
之先人泗州府君嘗與賀之諸父同治毛氏詩故相
善也於是贊作而言曰婦人處于閨門之內有三從
之義而無四術之教苟能因其所性之善而遂其所
履之正則變愈極守愈堅雖當患難流離之中而貞
女烈婦之事史常不失于書然究而觀之則其薰染
漸漬必非一目之故曰自來或守者宋呂並世東南
理孝極盛之時吾鄉有某氏先生遂於經而尤
有考於天文地理其田村建樂津兵制之書會粹其
說曰羣書百考信于孝者孝者尊之曰杏溪先生而
不敢字其孝必由夫近小以馴致於遠夫謂制度文

柳待制卷二十二

為之粗有廣大精微之妙故承其講肄者皆體驗切
實可以措諸其用而自程其子姓於孝益嚴而有節
晚乃分其兄子定遠之建安受業文公之門令文公
集中有與傳敬子書即其人也賀蓋先生之玄孫也
仁義之澤蓄厚而流滋不得之於祿仕之優而獨發
之於閨閫之懿然則

熙朝旌復之典一幸而得夫某氏之婦以顯異之宅
曰獨行有得尚足以表吾鄉之德之行不獨信于
其躬而信于其鄉里於其家婦之女子之被其成化
者亦章之可稱如是豈非吾鄉與孝唯行之明効大
驗也故贊是以論而著之無使其無傳焉

韓節婦傳

韓節婦劉姓絳州正平縣小吏韓筠妻也韓劉同里
閑居節婦十八歲歸為筠婦劉視韓族稍大節婦知
重其宗抑首促氣供婦職至元二年筠父子仁病筠
從醫者求方注善藥治之其藥雜草石等法當屑為
劑筠自運機碾緹軸石隨誤傷足數日風中其瘡死
明年子仁亦死筠有弟節婦即去居鄰姆苟舍晝夜
撫一子二女以笑曰吾未亡人使吾夫家不隸姓陪
氏是其責已蓋訖喪屏簪珥益治泉絲理生業輯輯
有條緒及子有室女有從則又哭曰吾与娣如合異
而同庶其優遊以老乎節婦始窻家甚微今浸浸昌
裕過其門者識与不識皆留目嗟異以為是於鄉俗
有助大德二年里耆李彥狀節婦義行白縣令長令

長為按實上州若府府具上中書禮部又明年下旌
復如今筠死時節婦年二十七嫠居實六十年云嗚
呼禮慝樂淫乃見節義盛衰損益之間君子蓋深悲
之而猶喜其章章者如是也新故絳在晉之墟憂深
思遠邈有遺緒若節婦以自樹立豈教使然亦其土
風哉子客京師見郡國所上孝義文章累讀喜其厚
倫叙典之化洽于古昔徵於書作韓節婦傳

韓節婦傳

韓武宣公河內人材勇善騎射至元中從平江南有
功起偏裨為將帥鎮吳而即居之子孫食其保境安
民之德尚數世益滋武宣第三子諱居贊為樞密院
斷事官者娶獨吉氏獨吉氏揚州路總管禮之女也

延祐三年斷事官卒京師獨吉氏纔三十三其長子
十七仲子木再周而諸女皆幼獨吉氏自京師扶其
喪水陸數千里還葬河內先塋挾其孤幼廬于墓下
三年將還吳笑踊自誓曰吾為寡家婦不得與其夫
偕老吾力猶能使子有立而女有從舍是吾無所事
於世矣即捐去簪珥盛飾服御取其儉素而益以禮
自治其身推之以及其家內外僮指逾千待之各有
息意未嘗示之以威而步履不敢越節愆度樹其家
規自祖祔薦祭宗廟慶弔門戶租繇外凡賓客之饗
燕時節之觀遊靡鼻之色滢哇之聲不使接於耳而
動於心間歲長子九思卒撫其孫欲其成人而進其
仲子九齡於學女皆擇所宜歸總管公踰八秩猶壽

康迎來致養惟謹其所以經紀家事者有學士大夫
所未講而能安以行之固天性之善哉里耆嘉其貞
節為上其行于郡郡移廉訪使者按實上之行省以
次達于中書於是禮部議旌表蠲復如今事下有司
為大書貞節獨吉氏之門以表其坊貞節坊云嗟乎
節以乘剛處險慎守不變為義節而致亨惟其心焉
獨吉氏一弱婦人中歲喪其所天非有理義之激昂
詩書之化導獨能率德厲行自其躬以及其家興信
厚之風振衰末之俗雖鄒魯習禮之士猶退讓莫與
之齒易曰安節吉注有尚然則說以行險安而能亨
固觀於其世而可知矣九齡嘗從子學治經故子為
繫次其事如右

書

荅臨川危太樸手書

去冬歸自錢塘從元性所得文簡入春偶為親舊牽
逆留旁近邑再閱月而歸五月初始聞元性將遣人
西還因奉數字為荅今又被四月十日所惠翰情辭
繾綣風誼激昂可見學古之志不凡近如此第三月
中附書至蘭溪者却不曾收亦不知付之何人也所
需查君碣銘豈即廣居耶去夏別時見其瘡發頭面
間似是浮陽上攻病在脾腎當勉其急服補瀉之劑
後不知遂服与否果若此則其徵兆已見彼矣比數
十年學者大抵有自利之心而志日益卑道日益遠
夫其自利之心根著于中則未得謂得未至謂至自

高者取於問自多者取於求而若剽掠纖碎緣飾淺
末已足以雄夸於制作之林而為獵取名齋之資矣
無惑乎頽敗委靡而莫之振起也獨吾友捐棄俗學
一意古初謂不肯頗嘗涉迹於是乃肯過相推予將
以質其所疑證其所聞而為求端用力之地此在不
肖因當竭其卑智鼓其盛氣以進吾友於光明博大
之域而環顧其中不無瓶罄壘恥之患甚自慙焉蓋
學以致夫道羣聖人載道之言具於經可見已古之
人所以底至於道者亦曰尊聞行知而不敢以吾一
己之私係累於其間耳區區愚慮比見鍾陵時已略
陳之今信道如吾友篤志如吾友願一求之羣聖人
之經以端其本而參之以孟荀揚韓之書以博其所

又翼之以周程張邵朱陸諸儒先之論以要其歸涵
養益密識察益精則發之文章自然極夫義理之真
形之歌詠自然適夫性情之正矣切不可模倣今人
以日淪於誇下而莫之救也願不肖日勉之而未至
輒復進之吾交吾友以為如何貫潛伏空山安負味
道畏影收聲西游之期渺其未卜而吾友又方馳繫
人門未能以足赴日相望甚遠暑溽万万自厚

荅金華宋景濂書

承問尺法老嬾不能多記姑即其所省以荅來意蓋
自宗徽廟製大晟樂時禮官用大禹聲律身度之說
請以天子中指為寸於是所製器服悉取之以為長
短廣袤之節當時固有非之者矣然紫陽文公編類

禮記卷之七十四 禮記卷之七十四 禮記卷之七十四

家禮於深衣製度條明言度用指尺復注云中指中
節為寸而秦溪楊氏又引說文云周制寸尺咫尋皆
以人之體為法似亦準之指尺矣至於造木主條謂
身高尺二寸博三寸厚寸二分釋者即援文公之說
曰周尺當省尺七寸五分弱程集與書儀誤註五寸
五分弱溫公圖所謂三司布帛尺即省尺程沙隨尺
即布帛尺今以周尺較布帛尺正是七寸五分弱即
是二說同出一書已不能歸一况諸家互有同異者
乎不肖注在禮院時因更造時饗祭器嘗與議斯事
而及於尺法院之老吏云庫中有前代玉尺下塵於
索得之其製作極工然校之周尺省尺又復微有差
弱廷議以為玉尺歷代艱傳蓋久尤有據依

玉尺定下其議乃若淮尺浙尺隨方所用但難準以
為法然是尺法非有聲律高下之差不若且從文公
之說周尺七寸五分弱者庶有據依吾友以為何如
抑吾黨之學體驗擴充其事固不止是願益自察識
以進於光大之域此則拙者區區之望也

柳待制文集卷之十三



[Faint bleed-through text from the reverse side of the page, including characters like '玉尺定下其議', '淮尺浙尺', '隨方所用', '但難準以', '為法然', '是尺法非', '有聲律高下', '之差不若', '且從文公', '之說周尺', '七寸五分', '弱者庶有', '據依吾友', '以為何如', '抑吾黨之', '學體驗擴', '充其事固', '不止是願', '益自察識', '以進於光', '大之域此', '則拙者區', '區之望也']

